



## **Tungkol saan ang modyul na ito?**

Ang lahing Pilipino ay tunay na maipagmamalaki. Marami sa ating mga bayani ang nagbuwis ng buhay upang makamtan natin ang kalayaan. Ang kanilang kabayanihan ay ating kinikilala hanggang ngayon.

Marami pa ring Pilipino ang patuloy na nakikilala ang pangalan sa iba't ibang larangan. Isang pagpapatunay na tayo, bilang Pilipino, ay isang lahing dapat ipagmalaki,

Ang modyul na ito ang magbibigay sa iyo ng linaw sa mga kabayanihan ng mga Pilipino.

Nahahati sa dalawang aralin ang modyul na ito:

Aralin 1 - Silang Magigiting

Aralin 2 - Mga Huwarang Pilipino, Noon at Ngayon



## **Ano-ano ang matutuhan mo sa modyul na ito?**

Pagkatapos pag-aralan ang modyul na ito, inaasahang maisasagawa mo na ang mga sumusunod:

- naisusulat ang mga pangalan ng mga lokal at magigiting na Pilipino at ang kanilang mga naiambag sa pagpapaunlad ng buhay
- naipagmamalaki ang mga lokal at pambansang bayani
- nabibigyang kahulugan ang mga payak na mensahe na mayroong kaugnayan sa pagiging isang magiting at marangal na Pilipino
- nakababasa ng mga payak na parirala at pangungusap tungkol sa mga magigiting na bayani
- nagagamit ang mga kaalaman sa pagdadagdag at pagbabawas sa pang araw-araw na suliranin at
- naisusulat ang mga payak na parirala o pangungusap nang wasto, malinaw, at maayos



## Ano-ano na ang alam mo?

Bago mo simulang pag-aralan ang modyul, gawin ang pagsusulit na ito. Masusukat nito ang nalalaman mo tungkol sa mga paksang napapaloob sa modyul.

Pag-ugnayin ang mga salita sa hanay A at sa hanay B. Isulat ang titik ng tamang sagot sa patlang.

### A

- \_\_\_\_\_ 1. Andres Bonifacio
- \_\_\_\_\_ 2. Jose Rizal
- \_\_\_\_\_ 3. Apolinario Mabini
- \_\_\_\_\_ 4. Lapu-lapu
- \_\_\_\_\_ 5. Emilio Aguinaldo
- \_\_\_\_\_ 6. Diego Silang
- \_\_\_\_\_ 7. Josefa Llanes Escoda
- \_\_\_\_\_ 8. Gabriela Silang
- \_\_\_\_\_ 9. Melchora Aquino
- \_\_\_\_\_ 10. Manuel L. Quezon

### B

- a. Nagtatag ng Samahan ng mga “Girl Scout” sa Pilipinas
- b. Ama ng Katipunan
- c. Ama ng Wikang Pambansa
- d. Ina ng Katipunan
- e. Utak ng H imagsikan
- f. Pambansang bayani ng Pilipinas
- g. Utak ng Katipunan
- h. Ilokanong rebolusyonaryo
- i. Unang bayaning Pilipinong lumaban sa España
- j. “Joan of Arc” ng Pilipinas

Kung isa o dalawa lamang ang mali mo, magaling! Kilala mo na ang mga Pilipinong nagbigay karangalan sa Pilipinas. Maaari mo pa ring pag-aralan ang modyul na ito upang magkaroon ka ng dagdag na kaalaman.

Kung lima o higit pa ang mali mo, huwag mag-alala. Kailangan mong pag-aralan ang buong modyul. Matututuhan mo rito ang kontribusyong nagawa ng mga kilala at hindi kilalang lahing Pilipino.